

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

§. I. Prima pars quæsiti resolvitur, & ostenditur legem veterem fuisse à
Deo datam, & omnia illius præcepta fuisse à Deo instituta

[urn:nbn:de:hbz:466:1-78232](#)

- pauclissimis, observatu facillimis, significacione praestantissimis, societatem novi populi colligavit. Nec obstat quod in lege Evangelica sint aliqua præcepta difficultia, ut præceptum de unitate & indissolubilitate matrimonii, de necessitate confessionis, & similia; illa enim propter abundantiam gratiæ, quæ à Christo in lege nova conferatur, redduntur facilia, juxta illud Isaæ 10. In die illa auferetur onus eius de humero tuo, & jugum ejus de collo tuo, & computrescat jugum a facie olei.
25. Quintò lex Mosaica fuit imperfectior ex parte modiquo data est, fuit tamen descripta in lapidibus, ministerio Angelorum. At lex nova fuit scripta in cordibus & mentibus hominum, per ipsum Dei hominis verbum, cooperante Spiritu Sancto, per abundantiam gratiæ & illuminationis. De quo fufius sequenti art. 2.

ARTICULUS II.

An lex veteris fuerit à Deo data, & ubi, ac quomodo tradita fuerit?

26. Scilicet Manichæi, ut suprà diximus, negarunt legem Mosaicam fuisse bonam, sic etiam consequenter affirmarunt, non à Deo, sed à Diabolo data esse, ut refert Augustinus in lib. de hæresibus cap. 46. ubi ponit hoc eorum dogma: Deum, qui legem per Moysen dedit, & in Hebreis Prophetis locutus est, non esse verum Deum, sed unum ex principibus tenebrarum. Similiter Ptolomeus apud Epiphanius hæresi 33. allerebat Mosiacam legem datam fuisse à tribus, quorum nullus esset verus Deus, nempe partim à mundi opifice, quem Deum esse nolebat, sed numen quoddam secundarium; partim à Moysi, & partim à senioribus populi Iudaicæ.
27. Ex Catholicis vero Origenes homil. 16. in Numer. Hieronymus in cap. 19. Matthæi, circa illa verba: *Ad durioriem cordis vestri permisit vobis Moyses*, Hugo Cardinalis, & Beda ibidem, existimat, legem Mosiacam, comprehensam in Exodus, Levitico, Numeris, & Deuteronomio, esse quidem majori ex parte à Deo ipso traditam; veruntamen aliqua ejus præcepta fuisse lata à Moysi, ex propria ejus autoritate, proprioque arbitrio; cuiusmodi fuisse putant legem de libello repudi. Item Alphonsus Salmeron disp. 61. & 62. in Acta Apostolorum, docet legem Mosiacam, quæ parte continet præcepta ceremonialia & judicialia, non habere Authorem Deum, sed Moysen, qui ejus non solum promulgator, quoadhanc partem, sed & propriè author fuerit.

Demum aliqui sancti Patres, quos refert Baradas lib. 1. de prerogativis novi testamenti cap. 15. censem legem Mosiacam non fuisse datam à Deo Moyse, ministerio Angelorum, sed ab ipso Verbo divino, in aëro corpore viro, Moyli immediatè traditam. Quod etiam innuere videtur Ecclesia in una & sepius Antiphonis, quas ante natale Domini cantat in vesperis, in qua sic ait: *O Adonai, & dux domus Israel, qui Moysi in igne flammæ rubi apparisti, & ei in Sina legem dedisti, veni ad redimendum nos in brachio extento*. Ut hæretorum error refellatur, & vera ac communis sententia declaretur, sit

S. I.

Prima pars quesiti resolvitur, & ostenditur legem veterem fuisse à Deo data, & omnia illius præcepta fuisse à Deo instituta.

Dico primò, legem veterem fuisse datam à Deo.

Conclusio est certa de fide, ac definita in Tridentino fess. 4. decreto de Canonicis scripturis, ubi sic dicitur: *Omnes libros tam veteris quam novi testamenti, cum utrinque unus Deus sit auctor, Ecclesia Catholica, pari pietatis affectu ac reverentia, suscipit & veneratur*.

Colligitur etiam aperte ex Scriptura, nam Christus Matth. 15. loquens de lege Mosaica, appellat eam mandatum Dei, cùm ait: *Irritum fecisti mandatum Dei, propter traditiones vestras*. Et apostolus tamen affirmat, Patrem Christi fuisse authorem veteris testamenti, ut ad Romanos 1. & Hebreos 1.

Ratio etiam suffragatur, nam ut discurrit D. 29. Thomas hic art. 2. Eiusdem est proponere finem, & disponere media ad finem: Sed lex Evangelica est finis legis Mosiacæ, juxta illud apostoli ad Rom. 10. *Finis legis Christus*: Ergo idem Deus, qui est author legis Evangelicæ, est etiam author legis Mosiacæ.

Dices: *Opera Dei sunt perfecta*, ut dicitur 30. Deuteronom. 32. At lex Mosaica non est perfecta, ut articulo precedenti diximus: Ergo Deus non est author illius.

C Respondeo quod licet lex Mosaica non sit absolutè perfecta, quia deest illi aliquid quod habet lex Evangelica, nempe virtus & efficacia justificandi, & perducendi ad regnum cœlorum, est tamen perfecta in suo genere; quia cùm ex suo genere debeat esse umbra seu figura legis Evangelicæ, in eo genere nihil illi deest. Ita D. Thomas hic art. 2. ad 1. ubi sic ait: *Nihil prohibet aliquid non esse perfectum simpliciter, quod tamen est perfectum secundum tempus; sicut dicitur aliquis puer perfectus non simpliciter, sed secundum temporis conditionem: ita etiam præcepta que pueris dantur, sunt quidem perfecta secundum conditionem eorum quibus dantur, et si non sunt perfecta simpliciter; & tali fuerunt præcepta legis, unde apostolus dicit ad Galat. 3. Lex padag-gus noster fuit in Christo*.

Dico secundo, omnia mandata, quæ sunt scripta in veteri lege, fuisse à Deo instituta, nec ultimum à Moysi propriè authoritate esse datum.

Probatur primo ex capite 20. Exodi versu 1. ubilex Mosaiæ incipit tradi his verbis: *Locutusque est Dominus cunctos sermones hos, Ego sum Dominus Deus tuus, qui eduxi te de terra Egypti, de domo servitutis: non habebis Deos alienos coram me, non facies tibi sculptile, &c.* Deinceps vero traduntur sub eodem tenore verborum omnia legis illius præcepta, sive moralia, & ad Decalogum pertinentia, sive ceremonialia, & judicialia, repetendo subinde, & inculcando sèpius verba illa: *Hac dicit Dominus, aut: Locutus est Dominus ad Moysen dicens, & Nam cap. 2. 1. versu 1. ubi præcepta judicialia tradi incipiunt, Deus si Moysi loquitur: Hac sunt iudicia quæ propones eis: si emeris seruum Hebreum, sex annos servier tibi, &c.* Et cap. 2. versu 2. in quo de præceptis ceremonialibus agitur, sic dicitur: *Locutusque est Dominus ad Moysen dicens: Loquere filii Israel, ut tollant mihi primitias. Ex quibus patet, non esse admittendam distin-*

d: actionem illam Salmeronis in præcepta De calogi, & in præcepta ceremonialia, quod illa fuerint immediate à Deo tradita, auctoritate, ut ipse loquitur, suppositi & virtutis; ista vero im mediatione tantum virtutis, inspirando scilicet Moyſi quæ vellet immediate ab ipso constituit auctoritate sibi à Deo data; hæc enim distinctione nullum habet fundatum in Scriptura, quæ locis relatis significat, omnia illa præcepta simili modo fuisse ab ipso Deo data, & Moyſi tradita, ut ea promulgaret.

32. Probatur secundo conclusio: Si aliquod præceptum legis fuisse à Moyſe propriâ auctoritate datum, maximè præceptum de libello repudijs: Sed ne quidem tale præceptum fuit à Moyſe propriâ auctoritate datum: Ergo omnia mandata veteris legis fuerunt à Deo instituta, nec ullum à Moyſe propriâ auctoritate datum fuit. Major est præcipuum fundamen tum adversæ sententia, Minor vero probatur ex eo quod per libellum repudijs dabatur facultas dis solvendi prius matrimonium, ut ostendemus in Tractatu de matrimonio disp. 2. At nullus hominum propriâ auctoritate potest dare talem facultatem, juxta illud Christi in Evangelio Matth. 19, Quod Deus coniunxit, homo non separat: Ergo præceptum de libello repudijs fuit à Deo institutum, non vero à Moyſe propriâ auctoritate datum.

33. Dices, Lex vetus vocatur lex Moyſis, Luca 2. Malach. 4. aliasque locis; & ipſe Moyſes non promulgator solum, verum etiam legislator fuisse dicitur à Clemente Romano, aliasque Patribus: Ergo aliqua hujus legis præcepta à Moyſe propriâ auctoritate fuisse tradita.

Respondeo iis locis quibus lex vetus Moyſis lex appellatur, vocari etiam legem Domini, aut aperte significari fuisse traditam à Dgo. Nam Luca 2. hic dicitur: Postquam impleti sunt dies purgationis ejus, secundum legem Moyſi, tulerunt illum in Ierusalem, ut sisterent eum Domino sicut scriptum est in lege Domini: ad significandum scilicet, eandem esse legem Domini ut auctoris, & Moyſis ut promulgatoris: qui eadem de causa legislator vocatur à Clemente Romano, aliasque Patribus. Et Malach. 4. Deus sic loquitur: Memento legis Moyſi servi mei, qdā mandati in Horeb, ad omnem Israel, præcepta & iudicia.

34. Adverte autem, quod quando dicimus, legem Mosaiam esse verē divinam, & non hominum, sed Dei ipsius auctoritate immediate latam, loquimur de lege contenta libris Moyſis, ab Exodus ad Deuteronomium inclusivè; neque enim negamus, alias quasdam observationes & leges fuisse postea humana auctoritate additas, de celebrando quot annis festo Phurim Esther 9. & ne festo Scenopegia 2. Machab. 1. & similibus.

§. II.

Alia difficultas expeditur, & ubi, ac quomodo lex Mosaiaca data fuerit, breviter declaratur.

35. Dico tertio, lex vetus data est in monte Sinai. Patet ex illo Levitici 26. Hec sunt iudicia atque præcepta, & leges, quas dedit Dominus inter se & filios Israel in monte Sinai, per manūm Moyſi. Nec obstat quod Deuteronom. cap. 1. 4. & 5. & lib.

Tomus III.

A 3. Regum cap. 8. & Malach. 4. alibi que sapientius dicitur, legem veterem fuisse datam in monte Horeb. Hanc enim dissensionem bene componit D. Hieronymus in locis Hebraicis, verbo Horeb, dicens eundem montem duplici nomine fuisse nuncupatum, & nunc Sina, nunc Horeb appellatum. Addunt aliqui, verum ille esse, nomen Sinae fuisse nomen quasi appellativum illius montis, à vicino deserto, quod vocabatur solitus Sinai: nomen autem Horeb, fuisse proprium & præcipuum, magisque excellens partem illius significasse, à qua mons totus vocatus sit mons Horeb, & mons Dei.

Dico quartò, lex vetus fuit à Deo tradita

B Moyſi per Angelos, & ab eodem promulgata. Patet ex Scriptura, nam S. Stephanus Act. 7. 36. de Moyſe sic ait: Hic est qui fuit in Ecclesia in solitudine cum Angelo, qui loquebatur ei in monte Sina, & cum Patribus nostris, qui accepit verba vite dare nobis. Et ad Galat. 3. Apostolus dicit: Quid igitur lex? Propriæ transgressiones posuit eis, ordinata per Angelos in manu mediatoris. Moyſis scilicet, qui de seipso ait Deuter. 5. Ego sequester & mediavi inter Dominum & vos in tempore illo, ut annunciatorem vobis verba eius. Et ad Hebreos 2. Si enim qui per Angelos dictus est sermo, &c. Ubi per sermonem illum intelligit legem Mosaiam, ut patet ex verbis sequentibus: comparat enim idam cum lege Evangelica, & significat hanc esse differentiam inter legem veterem & novam, quod vetus tanquam lex servitutis tradita fuerit per Angelos, qui Dei servi & ministri sunt; lex autem nova, quia lex est gratiae, tradita sit per ipsum Dei filium.

Favent etiam SS. Patres, præsertim Dionysius lib. de coelesti Hierarchia cap. 4. ubi hæc scribit: Has divinas visiones, Patres nostri perceperunt per medianas celestes virutes. An non & sacram legislationem, eloquiorum traditio & velut per se quidem dicit ex Dgo. Moyſi donatam, ut etiam verè nos doceat, divinos eam esse & sacros characteres? Docet autem sapienter & hoc Theologia, per Angelos eum in nos provenire tanquam divino legitimo ordine, illud legale ponente, hoc est, per prima, secunda in divinum reduci.

Nec deest etiam ratio seu congruentia, quam assignat D. Thomæ hic art. 3. Lex enim vetus erat imperfecta, & quasi dispositio quedam ad legem novam: Ergo conveniens fuit, ut nova daretur à Christo Domino, velut autem à ministris. Sic enim fit in attributis ordinatis, ut supremus artifex per suos ministros disponat ea quæ necessaria sunt ad opus, ipse vero ultimam perfectionem adhibeat.

E Nec obest, quod ille qui loquebatur Moyſi dicebat: Ego sum Dominus Deus tuus, qui eduxi te de terra Egypti. Hoc enim dicebat, non in persona propria, sed in persona Dei, quem repræsentabat. Unde Gregorius magnus in præfatione libri Job cap. 2. Angelus qui Moyſi apparuisse scribatur, modò Angelus, modò Dominus memoratur: Angelus propter hoc quod exterius loquendo serviebat; Dominus autem dicitur, quia interius præsidens loquendi efficaciam ministrat. Cum ergo loquens, ab interiori regitur, & per obsequium Angelus, & per inspirationem Dominus nominatur.

Michaëlem autem personam Dei tunc gelisse, cum lex lata est, multisque Angelorum milibus stipatum, in montem Sinai venisse, Pantaleo Diaconus docet apud Surium in encomio D. Michaëlis: Michael (inquit) Angelorum duktor longè